




Reconstituted Joint Monitoring and Evaluation Commission (RJMEC)

KUNE A KULYA KU'DIK TI TANYET NA TALIN NA
NYŌKŌ META ANYEN TOGWO'YA MÖRŌ I SUDAN NA
LOKI [R-ARCSS] NAGON KOJU TANYA I PEROK

12 TI YAPA TOBU_ηWAN KI_ηA 2018



Na manini wurö anyen tuggö lo_ηio ti tali_η. Lepen kona anyen tokorju swōtōn dumalak ti tali_η na tanya anyen togwo'ya mōrō i Sudan na Loki na. Nagon koju tanya i Ki_ηa 2018 anyen gwon pōliliō i kena ko kurundyō tu_η. Ko do 'dek dendya _ηo jore ti _ηina tali_η, yitōni i buk duma na kulya ti _ηina tali_η na.

<i>DENET SULUWET</i>	2
<i>PELE 1</i>	3
<i>Ko ŋa molu lo kunundya miri logwon na ŋutu ti Sudan na loki a ŋo gelen lo toludukō?</i>	4
<i>Temejik logon molu gwon i miri.</i>	4
<i>Kita ko gweyari lo miri</i>	5
<i>Torukōkin kode Toyŋakin na kenia ko kikolin</i>	6
<i>PELE 2</i>	8
<i>Togwon'da na woŋon na kipiya a 'dutet ko petesi rurukesi</i>	8
<i>kikolin petesi rurukesi ti ŋutu</i>	9
<i>PELE 3</i>	10
<i>PELE 4</i>	12
<i>kusik kode ŋo dumalak</i>	12
<i>PELE 5</i>	14
<i>Laŋet na to'diri, topitōkin ko tolika na ŋo na narok na kona i diŋit na mörö</i>	14
<i>Pirit duma 'duŋet na putesi na Sudan na loki na ŋola</i>	16
<i>Laŋet na meddya kulya ti ropa ko ŋaraki na ŋutu</i>	17
<i>PELE 6</i>	17
<i>PELE 7</i>	19

DENET SULUWET

Na manini kone anyen tokujö loŋio ti taliŋ i Sudan na loki. na taliŋ köju tanya i perok 12 ti yapa tobunŋwan kiŋa2018 a tuggi ŋo nagon yöyöŋönikin ko jur ködyö po a lo'but ada i mukök na mörö, ko köti ko tetenesi ti morja na ŋutu ko tolika na ŋo narok nagon köju a kondya 'börik i diŋit na mörö kune ko ködyö suluja ada.

Swötön liŋ lo tandu ŋina taliŋ kulo a ruggö adi se de 'de'dep ŋina taliŋ, ko lepeŋat de kikita parik anyen ŋutu bubulö gwon i pirit na gelen ko 'busan. Kogwon lepengat 'bayin a kalyöŋök ko daraesi nagon ŋutu a ryö i diŋit na mörö kune, a lepeŋat yeyeji adi ti ŋo na kondya 'börik i diŋit na tu kune gwe ti nyökö. Ti laŋesi ti ŋutu kaŋ gwe ko tojojo, kugga na tolien na ŋutu ko saresi ti jur.

PELE 1

Na pele kode jambu kulya ti Miri lo gwon na **ηutu** ti Sudan na loki a **ηo gelen** logon a toludukö. Miri logon a toludukö lo gwon na **ηutu** ti Sudan na loki a **ηo gelen** lo molu kona i mökök na 'dutet na suluja na **diñit** mönit, ko de **luñu** a miri lo gwon na **ηutu** ti Sudan na loki a **ηo gelen** logon a toludukö (RTGONU), **Luñu** a miri logon a toludukö kogwon kunie **ηo ludukö** a 'yalaki kata i kulya ti torukökin na swötön lo tandu **taliñ** kulo, ko köti kogwon a tomorun kulye swötön ti siyasa logon a ludukö kata.

Diñitan dumalak murek kata nagon a a tokoro i **taliñ** na tanya na **Diñit Kata** na **ηerot** na suluja na **diñit** mönit nagon **jonja** yapala budök suluja i tanya na **ηina taliñ**, a de ko 'duddi i yapa to mukanat lo **kiña** 2019. Akirut de gwe a **kiñajin** musala ti miri lo gwon na **ηutu** ti Sudan na **Loki** a **ηo gelen** logon a toludukö. **ηilo** miri molu kikita tojo **kiña** 2021 yapala murek i **ηerot** na 'dutet na **diñit** mönit. A kulya ti guba na guralan molu na konani anyen tindu **ηutu** i wulundyö na miri lopopo. kode ludukötyo. **diñit** mönit na aje tomijögi **ηerot** ko yapala buker.

I kulya ti **taliñ** na tanya na, Miri lo gwon na **ηutu** ti Sudan na loki a **ηo gelen** logon a toludukö lo atiki kido nagon jondi **taliñ** na 'dutet i lo jur. **ηutu** lo wuddya kase i piritönko a wöki i kulye swötön ti Sudan na loki [IDP'S] ko logon a wokön i kulye jurön [Refuges] molu yiyitwe bot, ko köti a **ηutu** molu kondi momoresi ti kulya ti topitökin ko tolika na **ηo narok** nagon köju a kondya 'börik i **diñit** na mörö kune. A kirut saret lo jur molu lo konani.

I kitajin **liñ** ti miri ko **ηutu** lo kikita **liñ** molu kona koke anyen **ηutu** lo kondya **ηo narok** kode a koko'ya **ηo** ti miri kulo molu momoka a **riñani riña**, anyen tukwörien kode mali ti jur bubulö'depa 'bura. **ηo liñ** na körö i **diñit** na mörö kune molu nyönyökö'dukö, kötikulya ti kena na **ηutu** [Census] molu kokona, Kora na tumatian ko mali nagon kata i jur kune molu koraki keniya ti miri na gwon kak kune, ko köti tetenesi ti kulya ti guba na guralan molu na konani.

Miri lo Sudan na loki molu wowora a logo ko gweyarijin ti **ηutu liñ** ti jur, **ηutu** wate ko **ηutu** ti swötön **liñ** ti jur a jwe kata. **ηutu** wate molu gwon ko tupesi 35% i miri, swötön **liñ** lo tandu **ηina taliñ** kulo molu köti wulundyö **ηutu** wate anyen tu i **lañet** na wazara. Ka'durök ti Sudan na **Loki** molu köti jujwe anyen **ηañarakindya** i kunie **ηo** nagon miri 'dek kondya.

Ko ŋa molu lo kunundya miri logwon na ŋutu ti Sudan na loki a ŋo gelen lo toludukō?

ŋilo miri molu kone ko swötön jore, ko kilo swötön se kulo: Miri lo Sudan na loki logon kata soŋinana lo a kirut gwe a ŋutu ti Sudan lo 'dumba goro anyen löpuggö miri logon kata ko toka'de ko miri (SPLM/A_IO) Momoret na ŋutu ti Sudan na loki logon kata ko toka'de ko miri (SSOA) ŋutu ti siyasa logon köju a tiki i kadi rereket (FDs) Ko kulye swötön ti siyasa logon kata ko toka'de ko miri. I ŋerot na suluja na diŋit mönit Miri logon kata soŋinana lo de kita gwoso na wuröni i saret lo Sudan lo loki lo mömönökindyö lo kiŋa 2011 (TCRSS).

Temejik logon molu gwon i miri.

I loki na miri lo diŋit mönit. Duma lo miri ko yumiat kanyit, kweja adi duma lo miri lo Sudan na loki Salva kiir Mayardit, a kirut gwe a yumi togeleŋ lonyit logon a Dr Riek Machar Teny ko yumiat inŋwan logon molu wule ko kulye swötön ti siyasa kulo. Gelen nase molu gwon a ŋutu nanakwan. Duma lo miri ko yumiat kanyit molu lo meddya kulya ti tiki na ŋina taliŋ i konesi, ko lepeŋat lo tandu saresi logon a jwe i Kadi Jamet na diŋit mönit kulo. Kita na Yumi togeleŋ ko yumiat inŋwan molu gwo'dan i 'dutet na diŋit mönit, ake ko saret a rukökin lepeŋat i tu ŋerot ko kita i ŋinu diŋit.

Salva Kiir lo gwon a duma lo jur, ko köti lepeŋ logon a duma lo kamörök ti jur. kita nanyit a gayi na Sudan na loki ko lokokori lonyit. Nene kita nanyit, lepeŋ logon a duma lo laŋet na wuzara, laŋet na kayukuk ti jur ko laŋet na medya kulya ti gayi na jur. Duma lo miri köti lo tandu saresi logon aje rukö i kadi jamet kulo. Duma lo miri lo layija kulya ti mörö ko kulya ti gayi na jur, ko köti lepeŋ lo ŋaju kadi jamet na Sudan na loki na diŋit mönit (TNLA)

Yumi togeleŋ lo duma lo miri, logon a duma lo kamörök ti ŋutu ti SPLM-IO tojo ko kilo kamörök aje momoraki i pirit na gelen. Ko duma lo miri 'bayin, Yumi togeleŋ bubulö mönökindyö kanyit i pirit, lepeŋ köti bubulö gwon a yumi lo duma i laŋesi ka'de ka'de nagon duma lo miri lo gwon kate kune.

Yumiat inŋwan ti duma lo miri kulo molu lo meddya kita na laŋesi gwoso laŋet na medya kulya ti kokola na ŋo ti miri, laŋet na meddya kulya ti tolien na ŋutu. Ko köti lepeŋat lo gwon i jamesi ti laŋet na menddya kulya ti yuku na jur ko na meddya kulya ti gayi na jur. Nene kita nase köti a dendya nase adi kulya liŋ na jama i laŋet na wazara kune a tiki i konesi.

ƚo lin nagon duma lo Miri ko yumiat kanyit kokon. ƚo nagon 'dek kokona i jur kune ti duma lo miri ko yumiat kanyit ƚare ƚar ko ti lepenat totopine totopi ko 'börik. Kine ƚo ju wule na dumalak ti wilayat kode Governors, wule kode 'dumaji na kamörök kaƚo i kita ƚina köti 'dek ruket ko lanet na meddya kulya ti yuku na jur ko na meddya kulya ti gayi na jur.

Kita ko gweyari lo miri

Kita duma na miri a koraki i swötön mukanat, nagon a kulya ti miri, kulya ti 'depa na mali ko tiki na ƚutu ƚo nagon lepenat yöyöƚöni, 'dukö na ƚo gwoso kadijik ti winikö, sukulujin ko kunie pritön ti miri, ko kulya ti gwearijin ti ƚutu ko teton, Anyen ƚaƚarakindya i ƚina kita i tu ƚerot molu ƚaraki ko lanet na wazara ko kulye swötön logon nan de tutuk soƚinana kulo.

Lanet na wazara molu gwon ko wazara 35, kilo wuzara wule i kiden na kilo swötön ti siyasa gwoso kulo: Miri lo diƚit mönit gwon ko si'desi 20, SPLM/A_IO de gwon ko si'desi 9, lanet na swötön ti siyasa ti Sudan na Loki [SSOA] de gwon ko si'daesi 3, ƚutu ti siyasa logon köju a tiki i kadi rereket kulo de gwon ko si'desi 2, a kulye swötön ti siyasa logon kata ko toka'de ko miri [OPP] de gwon ko sideyet 1.

Kita na lanet na wazara a dendya nase adi ƚina taliƚ a tiki i konesi 'bura, miri logon ƚutu kanyit jwe i swötön ka'de ka'de ti Sudan na Loki, ko kulya ti morja na ƚutu ko topitökin a kona. lepen köti lo tetendya saresi, kondya na siyasat ko kora na mali gwoso nagon yöyöƚönikin.

Ti ƚutu wate ködyö'dure 'dur gwoso 12 nagon wuwule anyen gwon i lanet na wazara ko köti yumiat ti wazara 10 molu gwon kata ko lepenat molu wule i kiden na kilo swötön ti siyasa. ƚutu lo tu i lanet na wazara kulo ködyö ti pondi i swötön ka'de ka'de ti loki na Sudan.

A kirut gwe a kadi jamet na diƚit mönit, ƚina a mugun nagon jondya ƚutu i pirit gelen i jambu na ƚo dumalak ti jur. Ko ƚina mugun morja kadi jamet na diƚit mönit na Sudan na loki ko kadi jamet na Wilayat, gwoso miri lo diƚit mönit logon a toludukö de kikita tojo ko kulya ti guba na guralan a kona. Kadi jamet de gwon ko ƚutu 550, ko si'desi ti kadi jamet de ƚara gwoso nagon a yöƚönikin i kiden na kilo swötön ti siyasa, kita nanyit a ƚarakindya i kulya ti kitaesi ti diƚit mönit ko löpukesi gwoso na wuröni i taliƚ na tanya na.

Kadi jamet na wilayat, ɲina a mugun nagon tindu gworolo ti ɲutu i swötön ka'de ka'de ti Sudan na Loki i yina, kogwo ɲutu lo gwon nyu kulo pondya i wilayat lin ti Sudan na loki. Kita nase nagon a duma, lepenat kita i pirit na gelen ko lanet na meddya kulya ti lokokorilan, kita na ɲina lanet a wurö i talin na tanya anyen meddya lokokoritan ti Sudan na loki anyen lepenat bubulö dendya ko a lo 'but. Lepenat molu ɲaraki ko lanet na bodwat ti kulya ti lokokori, ɲina a mugun na ɲutu lokoɲ i kulya ti tokoro ko tema na lokokori.

Lanet nagon a luitöt na meddya kulya ti lokokori na a tiki perok merya bungwan 90 anyen kweja ɲo nagon lepenat a ryö kune, ama ko lepenat ako ryö ɲo nagon yöyöɲönikin kune, kweja adi a guralan molu na gubani i ɲerot na suluja na diɲit mönit anyen kine ɲo lin bubulö dena.

I suluja na diɲit mönit miriöt ti wilayat ko ti Kauntijin [Counties] molu ɲanara i kiden na kilo swötön sona: tupesi 55% a ti miri logon kata soɲinana, 27% a ti swöt lo siyasa lo SPLM-IO logon kata ko tuka'de ko miri, tupesi 10% a ti momoret na swötön ti Siyasa logon kata ko toka'de ko miri kulo(SSOA) ko tupesi 8% a ti kulye swötön ti Siyasa logon ko tuka'de ko miri (OPP) Si'desi gwoso si'deyet na duma lo Wilaya (kode Governor). duma lo kadi jamet. ko dumalak ti Counties (kode Commissioners) de köti ɲanara. ɲutu logon köju a siyasin lo tiki i kadi rereket kode (FDs) molu gwon ko si'desi ti wazara musal i Wilayat lin.

Pirit 'duɲet na putesi i Sudan na Loki nagon a luitöt na, kita nanyit molu gwon gwoso nagon yöyöɲönikini, kulya ti kora na tumatian ko todumalan na saret. Lanet nagon meddya kulya ti toludukö na pirit 'duɲet na putesi na Sudan na loki molu kokona anyen ko meddya yökö na kitesi ti pirit duma na meddya kulya ti 'duɲö na putesi i Sudan na loki i diɲit mönit, anyen ko tindu miri lo diɲit mönit lo gwon na ɲutu ti Sudan na loki a ɲo geleng jujuwesi nagon metanikin kitesi ti pirit 'duɲet na putesi.

Torukōkin kode Toyinakin na kenja ko kikolin

Talin a nene ɲo nagon 'dek diɲit ko kita anyen jojo kondya mugun, Kweje adi 'dek ti pirtön kitaesi gwe kata ko kikolin logon ko konanikin ɲina kita anyen jondya talin, kine ɲo lin kona anyen tindu ɲutu diɲit ko kwake anyen ɲutu totojamakin ko 'börik. Soɲinana nan de tatakin ta kunie ɲo nagon a dumalak.

Gwoso laṇet na Sudan na loki na ɲerot na suluja na diṇit mōnit, ɲina laṇet kone ko temejik ti laṇesi ka'de ka'de ti swōtōn ti siyasa, ɲina laṇet molu na meddya kulya ti tiki na kitesi liṇ i ɲerot na suluja na diṇitt mōnit.

Kōti, laṇet na Sudan na loki na meddya kulya ti nyōkō na saret, nagon kone i kiden na kilo swōtōn ti siyasa, ko ɲutu gelen lo momoret na ɲutu nagon 'bayin a ti miri [CSO], ɲutu wate ko laṇet na ka'durōk. i diṇit mōnit lepenat molu lo tutuṇōkindyō kulya ti nyōkō na meta na saret i kiden na jumalan musala, anyen tolupōkindyō saret lo Sudan na loki logon a toludukō (ARCSS) i saret lo Sudan loki na lo diṇit mōnit lo kiṇa [TCRSS] 2011 .ɲina kona sona anyen denanikin adi ɲo liṇ nagon i taliṇ na tanya a tutuṇōki gwoso nagon saret yōyōṇōni. Ko ɲinu laṇet molu na medya lōpukesi ti saresi ti kulya ti yuku na jur i kiden na yapala musala.

Piritōn kitaesi ti miri ko kikolin kitaesi kase. i diṇit mōnit piritōn merya murek ko laṇesi molu nyōnyōkōk kona ko kōti nyōnyōkōk meta. ɲina ko kulya ti toliyen ko titimesi. Kine morja laṇet na meddya kulya ti kokola na ɲo ti miri. laṇet na meddya kulya ti toliyen na ɲutu. laṇet na meddya kulya ti ɲutu lo wōkōn i jurōn ti kaṇo kode Refugees, ko laṇet na medya kulya ti 'duma na kipiyla kaṇo, 'duma na ɲutu logon a kōmōrōk kaṇo i kita, ko moraki na ɲutu lo 'duma kaṇo i kita na kōmōrōk i kiden na ɲutu kana kode mowatini.

ɲo na 'dutet, kulya ti guba na guralan a ɲo nagon a na'but i tanyet na taliṇ anyen kulya ti guba na guralan kokona. Laṇet na Sudan na loki nagon ko meddya kulya ti guba na guralan molu totoludukō i kiden na kiṇa gelen na diṇet mōnit. I kiden na yapala buker na tanyani taliṇ, Laṇet na Sudan na loki na meddya kulya ti nyōkōk na saret molu tetenundye saret logon anyen meddya adi toliyen ko ɲayi na kulya ti wurō nagon ko democratic na swōtōn ti siyasa bubulō kona. Ti kulya ti wurō na ɲutu logon ko gumba guralan ti tukōni tukōk i kiden na yapala buker i ɲerot nagon guba na guralan a ko nyuṇ kona. Ti ɲutu ti jurōn ti Africa ko ɲutu ti tomoret na jurōn liṇ logon ko gwon a kamemeta ti kulya ti guba na guralan ti luṇeni. Guba na guralan ti konani i ɲerot na perok merya buker nagon diṇit mōnit a ko nyuṇ'dudyō.

PELE 2

Na pele kode jambu kulya ti togwo'da na woŋon na kipyala a 'dutet ko petesi gayesi ti ŋutu i diŋit mōnit. A na'but parik i dendya ko togwo'da na mōrōk nyōnyōggu nyo. ko kōti ko kilo swōtōn ti siyasa kōdyō kondya nyo anyen ŋutu gwon ti mōrō kōti, ŋina anyen ŋutu yitō kase i piritōn anyen si'da ko ruruket na'but ko tolien. Anyen ŋutu bubulō kondya kitesi kase 'bak kujōnō ko ti lepeŋat wōrōni luwi. Kōmōrōk ti Sudan na loki a swōt lo kulya ti tolika na ŋo narok na kona i diŋit na mōrō ko kitesi ti topitōkin, ko pelenat de kikita a ŋo gelen anyen jojo ŋarakindya i kulya ti gaya na ŋutu liŋ ti jur.

Togwon'da na woŋon na kipyala a 'dutet ko petesi rurukesi

Kilo swōtōn ti siyasa aje ruk kulya ti togwo'da na woŋon na kipyala a 'dutet nagon suluja kita i lor gelen lo yapa toburyo kiŋa 2018. ŋina 'ya'yu torukōkin i kulya ti togwo'da na tomirikulan na tanya i perok 21 ti yapa to puōk wot murek kiŋa 2017.

ŋina taliŋ na tanya na kata ko ŋo nagon a yōyōŋōnikin ,kine ŋo a kulya ti gaya na ŋutu, morja ŋutu wate ko kō'disi, ko munazamat na ŋarakindya ko kinyo ti ŋakini kikolin anyen jakindya ŋutu logon a dara kinyojin, ko kōti ŋina taliŋ yōŋō ti ŋutu lo konddya ŋo narok kulo joŋani i 'duŋōki na putesi, ko ti ŋutu kitani gwoso nagon yōyōŋōnikin ko saret lo tomoret na jurōn ti kak liŋ lo meddya kulya ti toliyen na ŋutu.

kunie tetenesi gayesi kata nagon molu bubulō ŋarakindya kulya ti gayesi anyen togwo'ya mōrō, ŋina anyen jur yitōki bot 'bura kōti. ko ŋina taliŋ a ŋara ko ŋutu liŋ logon gwon kak na kōmōrōk kase, Kilo swōtōn ti siyasa mulo gwon ko metet na'but anyen kōmōrōk kase gwon ti mōrō ko ti lepeŋat gwe pajo pajo. ko kōti ti togwo'de togwo kulya ti mirakindya. anyen gwon 'bura kode a lokomoŋ ti swōtōn ti siyasa togwo'de togwo ŋōesi nagon.

1. ŋōesi nagon tindu munazamat nagon 'dek ŋarakindya i 'dur i piritōn nagon ŋutu logon a dara gwon kata kune;
2. Ryaka ko todayi na ŋutu wate;
3. Tokitayi kode tolupōki na ŋwajik lo'di'dik i kita na kamōrōk;

4. Gwon a swöt i jamesi logon jondya mörö, wörö na kamörök, tiki na ŋutu jore i kita na kamörök, ko peya na ŋutu lo wuddya kase i piritön kode IDPs, refugees, kadijik ti ŋutu logon a kapuputuk ti loŋio, ŋutu lo kita i U-N ko toro'bo JMEC/CTSAMVM, ko ŋutu liŋ logon a ti Sudan na loki.ko munazamat nagon 'bayin a ti miri nagon a ti tomerek na jurön ti kak liŋ.

ŋutu logon a tiki i kadijik rerekesi i diŋit na mörö kulo molu kökölö a tikine Red Cross. A laŋesi ti kamörök logon 'bain a ti Sudan na loki molu wuddi wuddya i diŋit mönit na kokwe.

ŋina tanyet na taliŋ yöŋö adi a kokwe na diŋit mönit, ti kamörök joŋani kaŋo i piritön ti ŋutu logon 'bain a kamörök, ti kipiala 'dumalak logon peyaddu pajo momorakine i pirit na geleŋ. Ti maninijing nagon tuggö pritiön ti kamörök kwekine laŋet na meddya kulya ti tiki na ŋina taliŋ i konesi. Kamörök logon kata kulo molu momora ka'de ka'de a nyököjjine bot a joŋani i kunye piritön ti kitaesi ti kamörök i Sudan na loki.

I Kunie kitaesi nagon kata a kamörök ti jur logon momore i kilo swötön a kayukuk ti jur, Bolis, katiyuk ti kadi rereket [Prisons] Kapeŋak ti kimaŋ [Fire Brigade] ko katiyuk ti kijakwa ti mu'diŋ [Wildlife Service] A ko 'bain a kilo kamörök molu iti i piritön nagon lepeŋat 'dumajini kaŋo i kita na kamörök a morakine i laŋesi ti ŋutu kase [DDR], ŋina tetenet ŋaŋarakin ŋutu logon köju a kamörök kulo i ryeju na nene kita nagon lepeŋat ŋarakindye 'börik.

DDR molu tutu ŋerot ko todinesi i ŋina diŋit. Kipiala logon aje momora kulo molu joŋani i 'yura, a i 'dutet na ŋina diŋit a kamörök ti Sudan na loki molu tetenani tetena 'bura a korakine in swötön liŋ ti jur. A kamörök kulo molu tetendi 'borik anyen ko bubulö rurugga ŋutu i diŋit na guralan.

kikolin petesi rurukesi ti ŋutu.

Kikolin molu kokona logon ŋarakindya tetenesi ti kulya ti yuku na jur anyen bubulö tu 'bura. Gwoso Laŋet na meddya kulya ti yuku na jur na tomere aje kona, nagon kone ko ŋutu ti kilo swötön. Lepeŋat molu lo kwekindya ŋutu logon 'dek kita i jur kikolin ko kunie ŋo ka'de ka'de, ko lepeŋat molu lo tindu petesi ti mora na kamörök liŋ. I diŋit mönit na kokwe dumalak ti kamörök logon kata soŋjinana kulo de lo meddya kilo kamörök kase, jojo ko laŋet na meddya kulya ti gaya na jur.

Kiko gelaŋ kata logon aje kona nagon luŋu a laŋet na petesi rurukes ti diŋit mönit na meddya kulya to togwo'da na woŋon na kipyala a'dutet (CTSAMVM) ko soŋinana aje toludukö ko luŋuni a laŋet na meddya petesi rurukesi ti diŋit mönit na titimba kulya ti togwo'da na woŋon na kipyala a'dutet.

ŋina laŋet na memedday ko na titimba kitesi ti kulya ti togwo'da na woŋon na kipyala a'dutet, ŋina laŋet na worjö ko na sonyodu loŋio logon sonyuki laŋet na ŋutu ti IGAD ko laŋet na medday kulya ti tiki na ŋina talin i konesi. Kine a kitesi nagon molu kona i kiden na kilo swötön ti siyasa, ŋutu dumalak ti Sudan na loki logon a ko monye ŋina talin ko momoret na jurön ti Africa lo gwon a kametak ti ŋina taling, ŋutu ti tomoret na jurön ti kak lin lo ŋaŋarakinddya, ko julin ti ŋutu ti Sudan na loki anyen meddya adi kulya ti togwo'da na woŋon na kipyala a dutet, A ko i nene diŋit ko kulya ti togwo'da na woŋon na kipyala a'dutet a ko tokitayi, a ti kunie ŋo konani konana anyen talin gwon kata.

I'dutet na kine ŋo lin, Loki Sudan molu bubulö konuddya kikolin kanyit rurukesi ti jur. Laŋet na meddya kulya ti ruruka na jur [Strategic Defence and Security Review Board] molu na meddya yöyöŋesi nagon kamörök ryöryö i kulya ti yuku na jur, gwoso jur logon a luitot, Sudan na Loki bubulö rurugga mugun anyen gwon 'bura.

PELE 3

Na pele kode jambu kulya ti ŋaraki na ŋutu ko kinyo ko kulya ti nyökö na 'dukö na piritön na körö i diŋit na mörö. ŋina ŋaŋarakin ŋutu ti Sudan na loki i nyöggu na gwiliŋesi kase ko jur i mukök na mörö. Swötön lo tandu ŋina talin kulo tindi ŋutu ti munazamat kwake nagon bubulö tindu ŋutu ŋaresi i diŋit na kokwe na diŋit mönit. ŋina kweja adi ŋo jore 'dek kokona gwoso:

1. Tindu na ŋutu ti munazamat kwake ko ruruka na ŋutu logon 'dek ŋaresi kulo;
2. Ti ŋutu logon köju a wökönö i jurön lo diŋö ko Sudan na Loki kulo ti rurukani ruruka anyen ŋutu logon a wuddya kase i piritön a iti i kunie köjinö ti Sudan na loki i yitö kase i piritön 'bura anyen lepenat bubulö morja ko karo kase.
3. Anyen kilo ŋutu bubulö gwon a lui kase i jur.

4. Anyen ɲutu logon a wuddya kase i piritön a iti i kulye jurön ko ɲutu logon a wökön i kulye swötön ti Sudan na Loki i yitwe bot i piritön nagon lepenat köju gwon kata kune a si'dani i piritön nagon lepenat yöyöñöni.

I diñit mönit, Miri lo toludukö lo gwon na ɲutu ti Sudan na loki a ɲo gelen molu konudya kitesi nagon konaki ɲutu lo wuddya kase i piritön kode (IDPs) ko ɲutu logon a wokön i jur a iti i jurön ti kaño (Refugees) ko de kona i pirit nagen ɲo N-U ko munazamat na ɲarakindya ɲutu ko kinyo, mete molu kata nagon konakinikin ɲutu kitesi gwoso kitesi ti kadijik tokelesi ti ɲutu Health, piriton nagon a todinesi ti ɲutu (Schools) ko kine kitesi konaki ɲutu logon a dara i diñit na mörö, gwoso ɲwajik lo'di'dik, kikijikö, ɲutu wate, karu'beno, kode ɲutu lo böbönñöji i diñit na mörö. I diñit mönit saret lo munazamat nogon 'bain a ti miri NGO molu nyönyökö meta anyen kita jojo gwoso nagon yöyöñönikin ko saret lo tomoret na juron ti kak liñ.

I diñit mönit, Miri logon a toludukö lo diñit mönit lo gwon na ɲutu ti Sudan na loki a ɲo gelen molu konudya lañet nagon ko meddya gurus nagon ko nyökönikin 'dukö na piritön nagon a körö i diñit na mörö, ko ɲinu lañet molu gwon ko ɲutu 30 merya Musala logon a temejik ti miri lo diñit mönit lo toludukö lo gwon na ɲutu ti Sudan na loki a ɲo gelen ko ɲutu ti tomoret na jurön ti kak liñ lo ɲaɲarakindya ko julin ti ɲutu ti Sudan na loki.

ɲina de titindu kwake nagon nyökönikin 'dukö na ɲo na körö i diñit na mörö i jur kune, kega piritön nagon mörö koju a duma kata kune. ɲinu lañet molu wuju gurus ti jur lo America millionjin 100 temba i kiden na kiña i diñit mönit ko miri lo diñit mönit lo toludukö lo gwon na ɲutu ti Sudan na loki a ɲo gelen, ko Sudan na loki molo konudya momoret nagon ko mololikin gurus jore nagon ko tiki ɲina lañet. Taliñ a ɲo nagon pondya temba i lor gelen logon a tu,kulya ti toyinikin bubulö 'durjö i kiden na kilo swötön ti siyasa ko ɲutu ti Sudan na loki. ko ɲilo kiko taliñ bubulö gwon i pirit a naggo.

PELE 4

Na pele kode jambu kulya ti mali, kulya ti kitaesi ti gurut ko kulya ti 'depa kode meta na gurut i kiko logon a lo'but.

Kulya ti mali i Sudan na loki molu ko gwon 'bura ko kikolin 'depesi ti mali a toludukö, ko toyinikin ko kepu na ηutu lo kondya ηo narok. Na pele jambu kulya ti löpukesi i kulya ti saresi ko kikolin logon tindu kita i tu 'bura ko a tiki i pirit.

Tiki na kine löpukesi i konesi kweja adi ti kitajin liη na kona kune metani meta, ko kine ηo liη a kona 'bura totogwo kulya ti kokola na mali ti jur ko kikolin jore ti kulya ti'debba na'but na miri.

Kilo kikolin molu jojongddya toyinikin a ηarakindye lwaka kode ηutu lo pondya i jurön ti kaηo, ko ηutu logon a kaηarak i po i Sudan na loki, Ko lopukesi 'bain ko kikolin to'duresi ti mali, Sudan na loki molu rereju yöyöngesi i kulya ti mali.

kusik kode ηo dumalak

Kusik dumalak i kulya nagon a wurö i taliη na tanya na gwon suna.

- Miri lo diηit mönit lo molu tindu ηo nagon lepeη kokon kune i meta. A molu wurji ηo ti kulya ti gurut liη nagon a rye kune, torigwo molu kata i kulya ti kita anyen bubulö dena adi ηutu katetenak ti siayasa kulo a kepo 'bura, ko saresi a ko 'depa, Kilo siyasat molu tiki ηerot anyen metanikin kulya ti to'durö na jur.
- Miri lo diηit mönit molu meddya kiko lo'but lo 'depa na gurut nagon rye i welet kode petrol ko nagon 'bain rye i welet kune. Miri duma, wilaya ko Counties molu titiki kido ko saresi kase anyen momorja gurut.
- Miri lo diηit mönit molu lo pokin ηerot i togwo'ya na kulya ti kokola na mali ti jur, saresi molu kokona anyen ηutu liη lo kita i miri kulo bubulö kita 'bura. Ko lele lose a meddya kine ηo kana kode a rye i körju na mali ti jur molu joηa i (tumuna) bolis anyen ko ti pipiya.
- Mali ti Sudan na loki molu ηaηara jojo anyen kenia ka'de ka'de ti Miri nyöggi 'duggö piritön nagon a körö i diηit na mörö. ko kitesi to'duresi ti jur nagon yöyöηönikin.

- Kiko lele logon meta ko saret logon kata ko yeyeet nagon keponi mali, molu memet ɲo na momore kune anyen kokora ko tokitayi nase kode i siyasat logon metanikin gurut (Budgetary).

Nyökö na meta na kine ɲo molu tindu miri gwon ko kiko lo'but logon kikitani kegga i tetenundya na gwo'desi kode saresi. Nyökö na meta na kine ɲo molu tin ɲo nagon kokona kune ti denani dena, ɲutu lo koko'ya ɲo ti miri ti mokani moka. Kine ɲo bubulö kita 'bura ko kikolin ludukö a tetena anyen keponikin kita kode saret logon a tuludukö.

Wazara na medya kulya ti gurut a kene na miri nagon a nago parik ko a swöt i kulya ti nyökö na meta na ɲo liɲ, nye na meddya kulya ti gurut ti miri, ko nye köti na gwon a kiko logon metanikin gurut ti miri liɲ.gwoso nagon meta na mali ti welet ko kiko lo 'bot a ɲo duma na miri , Wazara na meddya kulya ti welet köti ti gwe a swöt lo kulya ti ɲo nagon yöɲö ti metani meta kegga i kulya ti meta na mali (gurut) ti welet.

I kulya ti kunie ɲo jore nagon yöɲö ti nyököni nyökö meta, 'deket kata nagon koneni kenie ɲo ludukö nagon ko kikolin loggo kitaesi. Laɲet na Sudan na loki meddya kulya ti momora na gurut, Laɲet na meddya kulya ti gurut ti ɲutu lo kikita (möyiyajin), ko Laɲet na meddya kulya ti gayi na yobu se na gwon a miresi. na'but.

Kunye ɲo köti kata nagon yöɲö ti metani meta i kulye swötön ti miri anyen jojo meddya kenya liɲ ti miri, ɲina anyen jojo meddya ko 'diri ɲo na toludukö kune kikita gwoso nagon a yöɲönikin na. Laɲet na Sudan na loki nagon a kametanit kode katitimanit ko Laɲet na meddya kulya ti kokola na gurut ti miri. Kine a muggunya nagon a na'but parik.

Tetena na saresi lo kikita 'bura ko torigwo gwon ko dara ko kikolin kitesi ti gurut 'bayin gwon a lo'but, kweja adi geleɲ na ɲo nagon yöɲö ti nyököni nyökö meta a kulya ti tetena na Laɲet nagon ko meddya kulya ti 'depa na gurut, anyen jojo meddya kitesi ti gurut ko kulya ti 'depa nase anyen jojo ɲarakindya i kulya ti kikolin lukwölöɲök i kulya ti 'depa na na gurut. Kulya ti tiki na ɲo na toludukö kune i konesi molu meta ko laɲet na kikita ko kulye temejik ti laɲet na tomoret nagon a toludukö.

PELE 5

Na pele kode jambu kulya ti 'duṇṇö na putesi i diṇit mönit, riṇa na ṇutu lo koko'ya tito ti miri ko kulya ti morja na ṇutu, Kulya ti yöyöṇesi nagon ṇutu a ryö i diṇit na mörö ko körö na turön kode piritön i diṇit na mörö 'dek ti nyökökini i pirit.

Anyen bubulö ṇarakindya i ṇina kita, ti miri lo diṇit mönit logon a ludukötyo lo togwi'dikindya swötön lo meddya kulya ti 'duṇṇö na putesi nagon tuggö adi ti swöt to 35% lo ṇilo miri ti gwe a ṇutu wate, ko kine ṇo a

- Laṇet na to'diri, Morja na ṇutu ko tolika na ṇo narok.
- ṇayi na pirit 'duṇet na putesi na sudan na loki na ṇola.
- laṇet na meddya kulya ti ropa na ṇutu logon ṇo kase a körö, ko ṇaraki na ṇutu lo konaki a rabat i diṇit na mörö.

Kilo swötön de kita a lui anyen tetenundya kulya ti to'diri, morja na ṇutu ko tolika na ṇo narok nagon ṇutu koju a ryö i diṇit na mörö kune, ropa na ṇutu logon ṇo kase a körö, ko ṇarakin na ṇutu lo konaki a rabat i diṇit na mörö i Sudan na loki, Munazamat ti jurön ti African ko ti tomöre na jurön ti kak liṇ, gwošo tomoret na jurön ti Africa (Africa Union) UN ko laṇet na Africa na meddya kulya ti toliyen na ṇutu molu ṇaṇarakindya i peddya ko i tokitayi na kine kiteasi liṇ.

Laṇet na to'diri, topitökin ko tolika na ṇo na narok na kona i diṇit na mörö.

Laṇet na to'diri, topitökin ko tolika na ṇo na narok na kona i diṇit na mörö kune a swöt lo'but parik i kulya ti taliṇ i Sudan na loki nagon molu na gwon ṇerot ko riṇit anyen jambu kulya ti likikiri lo kulya ti mörö. ko molu jujun kulya ti taliṇ, kulya ti topitökin i Sudan na loki. molu suluja kita i mukök na yapala iṇwan na koneni miri lo diṇit mönit lo toludukö lo gwon na ṇutu ti Sudan na loki a ṇo gelen (RTGoNU) Diṇit pipiyet molu suluja i yapa toburyo 2005 tojo i lor lo tanyanikin ṇina taliṇ na toludukö na.

ɲinu laɲet molu kone i mukök na pipiyesi na pipiyani ɲutu ti Sudan na loki anyen meddya adi i kiden na kunye ɲo, yöyöɲesi nagon ɲutu wate, ɲutu lyan kodisi ko teton liɲ a wurö kak, A ɲo nagon a rye kune molu tikine i saret,

ɲina laɲet molu konudya ɲo jore. Lepeɲat molu pokin i pipija, ko i wurjö a tuggi yöyöɲesi nagon ɲutu a ryö, a ga'yi ɲutu lo konddya kine ɲo kulo. Lepeɲat köti molu pokin i pipija a wurji kulya ti ɲutu lo 'belengu saresi ko körö na kulya ti kita nagon a konaki ɲutu liɲ ti Sudan na loki ko lwaka kode ko ɲutu logon kita kase i pirit.

ɲina laɲet molu wuju maniniyiet ko ɲutu lo konaki a rabat anyen lepeɲat titimbi kinu maniyiet, a kirut ɲinu laɲet molu tindi jujuwesi nagon konani kikolin logon kone i kitesi nagon kata soɲinana i kötumitön ti ɲutu ti jur, kitesi ko kikolin morja wöriɲesi nagon ɲarakinikin ɲutu lo tudarayi i diɲit na mörö ko ropa na ɲutu logon ɲo kase a körö.

I diɲit nagon ɲina laɲet kondi kita nayit. ɲina laɲet molu wurjö likikirilön logon kata ko to'diri a tindi jujuwesi ti ɲo nagon lepeɲat 'dek ti konani kona anyen kine ɲo gwon ti nyöggü 'borik. morja löpukesi ti piritön ti saresi.

ɲina laɲet molu kata ko kido nagon luɲgi ɲutu, maninijin ko kunie ɲo nagon yöyöɲönikin, ko lepeɲ köti molu ti tuk karen ti ɲutu logon a konaki a rabat ko ɲutu logon a met kinu ɲo i kona kulo. Lepeɲ molu metunddya konese na 'but i jurön ti Africa ko i kulye jurön ti kaɲo anyen tindu kulya ti to'diri ko mora na ɲutu, tolika na ɲo narok nagon koju a kona i diɲit na mörö kune, a tokurikindye ɲutu kulya ti kita nase kegga ka'durök ko ɲutu wate.

ɲina laɲet molu gwon ko dumalak buryo, iɲwan kase molu gwon a ɲutu ti Sudan na loki, ju ɲutu wate murek, a kulye dumalak musala kulo molu pondi i kulye jurön ti Africa ko gelen nase molu gwon a ɲutu nanakwan, ɲo na kon lepeɲat kune molu kwekwki ɲutu i yapala musala a kokwe na 'dutet na diɲit mönit.

Pirit duma 'duñet na putesi na Sudan na loki na ñola

Pirit duma 'duñet na putesi na Sudan na loki na ñola ko kulye ka'duñök ti putesi ti kulye jurön ti kaño molu gwon a luwitöt anyen ko mendya ñutu gelen ngelen logon ko könin a duma i ño narok nagon a kona i kiden na perok 15 ti yapa to puök wot mure lo kiña 2013 to jo i 'dutet na diñit mönit i kiña 2021.

ñina pirit duma 'duñet na putesi molu kondya titimesi nagon ko bubulö, ñina pirit duma 'duñet na putesi molu 'duñökindyö putesi ti ñutu logon ko könin a duma i belengu na saret lo tomoret na jurön ti kak liñ ko saresi logon totokitayi i Sudan an loki. pirit duma 'duñet na putesi i Sudan na loki na ñola na molu kata ko kido ko kuket i ño gwoso ko kune. tatuwa na ñutu abur, ño narok na konaki ñutu, öpuwö ti mörö ko kunie ño narok na meta ko saret lo tomoret na jurön ti kak liñ ko saresi ti Sudan na loki na morja ño narok nagon konaki ñutu ko ryaryakatu na ñutu wate.

Ka'duñök ti putesi ti ñina pirit duma na 'duñet na putesi na Sudan na loki na ñola na, kapipiyak ko kulye ñutu ka'de ka'de logon kita nyu kulo molu gwon a ñutu logon a lo rigwo ko a lo'but i kita nase keggä i putesi ti ñutu logon a konakindya kulye ñutu a rabat, 'bayin gwoso nagon yöyöñönikin ko saret lo tomoret na jurön ti kak liñ logon metanikin kulya ti tolien ko to'diri na ñutu. Jore ti kilu ka'duñök ti putesi molu pondya i jurön ti Africa ko 'bayin tun a ñutu ti Sudan na loki.

Pirit duma 'duñet na putesi na Sudan na loki na ñola nu molu gaga ñutu lo konaki a rabat kolu ko ñutu lo gwon a kone metet gwoso nagon a yöñönikin ko saresi lo totokitayi i tomoret na jurön ti kak liñ, To'diri na ñutu lo joña i pirit duma 'duñet na putesi na Sudan na loki na ñola na molu kukuka, Lele ñutu 'bayin logon molu pipitönki ko kulya ti gwon nanyit a swöt i kondya na ño narok kogwon lepenat a temejik ti miri kode ñutu lo wole i diñit na gubani guralan, ko lele ñutu 'bayin logon anyen yöñö gayet ko saret duma, tiki na ñutu na pitönö ko ñutu duma lo jur ti bulö togwo'ya kita na Pirit duma 'duñet na putesi na Sudan na loki nagon ñola.

ñina pirit duma 'duñet na putesi na Sudan na loki na ñola molu bubulö 'dumundya saret logon togwo'yi ño kode mali liñ na rye ko kikolin lorok, anyen kinu ño kode kinu mali nyököki ko monye, kode miri lo Sudan na loki, Ko ñina pirit duma 'duñet na putesi na Sudan na loki na ñola na molu tin ñutu lo konaki a rabat kulo i ñaraki, ko ñutu logon ño kode mali kase a joña i diñit na mörö ti

ropani ropa. ɲutu lo moka kode lo 'duŋöki putet ko pirit duma 'duŋet na putesi na Sudan na loki na ɲola na, molu ti ruköki anyen gwon a swöt lo miri lo toludukö lo diŋit mönit lo gwon na ɲutu ti Sudan na loki a ɲo gelen kode miri lo po i mukök na diŋit nagon molu saret lo mendya.

Laŋet na meddya kulya ti ropa ko ɲaraki na ɲutu

Laŋet molu kata nagon ko mendya kulya ti ɲaraki na ɲutu lo konaki a rabat i diŋit na mörö ko ropa na ɲutu logon ɲo kode mali kase a körö kode a joŋa i diŋit na mörö. nagon molu tetene ko miri lo diŋit mönit lo toludukö lo gwon na ɲutu ti Sudan na loki a ɲo gelen (RTGoNU) i kiden na yapala buker na suluwani miri lo diŋit mönit, ɲinu laŋet molu na mogga gurut nagon rapani ɲutu logon ɲo kode mali kase a joŋa kode a körö i diŋit na mörö ko ɲaraki na ɲutu lo konaki a rabat. ɲinu laŋet molu 'du'dumundya tito kitesi ko gurut nagon ɲarakinikin ɲutu logon ɲo kase a körö i diöit na mörö anyen lepeŋat jojo nyöggu 'duggö gwiliŋisi kase. ko ɲinu laŋet molu wuwaju maniniet ko ɲutu lo konaki a rabat anyen tetenundya kikolin logon ropani ɲutu logon ɲo kase a körö, ko ɲaraki na ɲutu lo koneki ɲo na narok.

PELE 6

Na pele kode chapter jambu kulya ti tetenesi ti saret lo 'dutet. I lele swöt saret lo 'dutet logon a toludukö lo molu gwon ada, ko yi de 'dur kata a da, kogwon Sudan na loki kata ko saret ama 'dek ti nyököni nyökö meta anyen ɲo nagon a ludukö ti jur likan kune bubulö tolupöki kata, ɲina anyen metanikin adi ɲina taliŋ jojoŋga diŋit na jo ti gwe kata i Sudan na loki, Saret lo kweja ɲo liŋ nagon yöyöŋönikin ko kiko logon a yöŋönikin ko saret i mendya na ɲo liŋ ko temet na kiteasi ti miri, ko miri ködyö kondya nyo. Ko köti saret lo gwon a lo rigwo i kulya ti gayi na ɲutu ti Sudan na loki.

I diŋit na mömönökindyö, Miri lo diŋit mönit lo toludukö lo (RTGoNU) molu lo mendya kulya ti kitesi nagon tetenani saret lo 'dutet, nagon molu meta ko saret ludukötyo. Kine kitesi molu meta ko moka ko ɲutu ti Sudan na loki, Tutuŋöki na tetena na Saret lo 'dutet ti gwe ti lwöŋ kiŋajin mure i mökök na 'dutet na suluja na diŋit na kokwe.

Kine tetenesi molu gwon gwoso i saresi kode i kikolin gwoso kulo:

1. Todumalan na ɲutu ti Sudan na loki

2. Konundya gweyari lo miri lo luṇu a Federaliya, logon wule ko ṇutu ko kōti ṇutu lo kita kata kulo pondya i swōtōn liṇ ti Sudan an loki.
3. Gwo'diyet na ṇo nagon anyen taliṇ na 'dutet gwon kata ko gwon na ṇutu a ṇo gelen ko kuka na toliyen na lokokoritan ti Sudan na loki.
4. jundyō na kulya ti ṇarju na ṇutu i miri lo jur jojo, ko kiko logon gubanikin guralan nagon kata ko torigwo ko kora na tomatyan ko mali nagon tiki miriyōt ti wilaya ko countijin.
5. Kuka na lōti ko keryat ti ṇutu ka'de ka'de, to'diri na kōtumitōn ti ṇutu, na morja to'diri na kōtumitōn ti ṇutu anyen lepeṇat rurugga likikiri lose, to'durjō kode todindyō kutu nase ko jundyō na keryiet kase, ko purpurja nase na 'borit.
6. Mete nagon adi, ṇutu a konaki ṇo nagon lepeṇat yōyōṇōni, ko kone na tetena na kikolin logon to'durōnikin gurus na kora jojo, ko ryeju na ṇutu na mali nagon kata i jur ko kiko logon pōlililyō ko kitesi na koneki ṇutu.
7. jundyō ko ṇarakindya na Sudan na loki anyen kita ko toyiṇakin ko jurōn ti Africa ko ṇutu ti tomoret na jurōn ti kak liṇ.
8. Tiki na ṇutu ti Sudan na loki i tetendya na yōyōṇesi nagon kata i Sudan na loki ko kiko logon ṇutu si'daki kak i jambu ko 'bōrik ko tokoyokan, nagon ṇutu ruggi 'bōrik ko kuket nagon kukanikin yeyesi ti kulye ṇutu.

Kine ṇo molu kebbu pipiesi logon molu kona ko ṇutu dumalak logon a komonye ṇina taliṇ kulo, ko molu ko kona i mukōk na kine kitesi liṇ, nagon morja swōtōn ti siyasa, laṇesi ti kōyupōk, munazamat nagon 'bayin a ti miri. laṇesi ti ṇutu wate, laṇesi ti ka'durōk ko, Laṇet na Sudan na loki na mendya kulya ti nyōkō na saret a mugun nagon molu ṇaṇarakindya i kitesi ti toludukō na saret. Ko temejik ti ṇina laṇet molu wule i kiden na laṇesi ka'de ka'de, miri lo toludukō lo gwon na ṇutu ti Sudan na loki a ṇo gelen (RTGoNU), Swōtōn ti siyasa, Laṇesi ti kōyupōk, Laṇesi ti ṇutu wate, Laṇesi ti kō'durōk, Laṇet na kōtumitōn ti ṇutu logon ku'dik, Laṇet na ṇutu logon 'bayin kita i miri, CSO, Laṇesi ti ṇutu lo kendya, laṇet na ṇutu logon a babatatu, ko kulye ṇutu logon a kurundyō.

i diṇit na wurō na saret lo 'dutet, todinesi molu 'du'dume i Saret lo Sudan na loki, Likikiri lo Saret ko denesi, Kona na taliṇ, manini na Saret na wurō ko a rukōk ko momoret na Saret molu jakini kode kwekine temejik ti kadi jamet i mendya kode i swaggu (kode i lilija) na ṇilo saret anyen rurukō.

PELE 7

Na pele kode jambu kulya ti Laṇet na tomore nagon ko meddya kulya ti tiki na ṇina taliṇ i konesi [JMEC], ṇina a mugun nagon a tiki kido anyen kebbu kulya ti tiki na ṇina taliṇ i konesi.

Kulya ti ṇina laṇet kode [JMEC] kata i taliṇ na tanya i Kiṇa 2015, ko ṇina laṇet kona anyen mendya kulya ti tiki na ṇina taliṇ i konesi bubulö meta ko i kepo. Ko ṇina laṇet soṇinana a je toludukö. anyen jojo mendya ko kebbu na tiki na ṇina taliṇ na toludukö na i konesi.

ṇutu ti ṇina laṇat aje 'yala anyen gwon a 43 ko ṇutu ti ṇina laṇet 'bayin tuṇ a ṇutu ti swötön ti siyasa lo tandu ṇina tanyet na taliṇ kulo, Ama ṇo na 'but na, ṇina laṇat gwon ko ṇutu ti Sudan na loki logon a komenye ṇina taliṇ, ko temejik ti laṇesi ti köyupök, ṇutu lo yiyiniki kode lo kukwuön, laṇesi ti ṇutu wate, laṇesi ti ṇutu katugwörök, laṇesi ti munazamat nagon 'bayin a ti miri, ka'durök ko ṇutu lo kendya, ko köti ṇina laṇet kata ko ṇutu logon a katogolok ti ṇina taliṇ ti jurön ti Africa, ṇutu ti tomoret na jurön ti kak liṇ, ko julin ti ṇutu ti Sudan na loki.

Laṇet na JMEC na toludukö na, gwon ko kido i mendya na kulya ti tiki na ṇina taliṇ i konesi, ju kulya ti meta na miri ludukötyo lo gwon an ṇutu a ṇo gelen. ṇina laṇet de na meddya ko kilo swötön lo tandu ṇina taliṇ kulo keep diṇit na tikini ṇina taliṇ i konesi kogwon ṇina a ṇo duma parik nagon lepeṇat ködyö kokon. Ko kine ṇo ti tu'bura, ko de 'dek ti tetenakine i pirit ti ṇina laṇet kode [JMEC] ti jambi jambu.

Monye si'daet lo ṇina laṇet kode [JMEC] molu töttökin Miri ko monye si'daet lo Laṇet na mezelis wuzara na jurön ti IGAD loṇio ti ṇo narok liṇ nagon a lawesi ti ṇina taliṇ na kona i diṇit na kulya ti tiki na ṇina taliṇ i konesi.

Monye si'daet lo laṇet na wuzara na jurön ti IGAD molu luṇundye jamet na kone 'de'de kijek na laṇet na wuzara ti jurön ti IGAD i kiden na perok puök wot iṇwan anyen lepeṇat po kaṇo ko gwo 'diyet na tetemakindya anyen löpuket jojo kona, JMEC molu po ko yeyesi nagon anyen tetenakini yöyöṇesi nagon a pukun i kiden na kilo swötön ti siyasa, A ko kinu ṇo a ko tu 'bura, A JMEC molu sonyoro kinu yöyöṇesi i laṇet na wuzara na jurön ti IGAD.

JMEC molu gwon ko jamet daɲ gelen temba i yapa, ko lepenat molu tatakin dumalak ti miriöt ti jurön ti IGDA lonio lin tamba i diɲit,ko kulya ti tiki na ɲina tanyet na talin i konesi temba i yapala musala nagon lepenat tökindyö miri, Laɲet na wuzara, Kadi jamet na diɲit mönit, ko kulye ɲutu logon kukwöɲ ti jurön ti Africa,ko ɲutu ti tomoret na jurön ti kak lin logon a komonye ɲina tanyet na talin.

JMEC köti memet kita na kunie piritön kitaesi ka'de ka'de ko kikolin lo toludukö kode a tetena ko ɲina tanyet na talin na toludukö,Kine de morja, Laɲet na mendya kulya ti togwo'da na woɲon na kipiyla ko kikolin titimesi,Laɲet na meddya'depa kode moka na gurus, Mugun na medya titikesi ti gayi na jur, Ko laɲet na Sudan na loki na mendya kulya ti guba na guralan.

kebbu na kitaesi ko kikolin lin ti Miri, JMEC bubulö tindu tirikuwet adi ɲo lin nagon aje kona kune, ti keponi kepo a köti tindi riɲet nagon bubulö metanikin kilo swötön, ko logon a körju kulya ti tiki na ɲina talin i konesi.